



«Հանքավայրերը հայտնաբերում են երկրաբանները, ուստի կարելի է ասել, որ հանքաբանությունը սկսվում է երկրաբանությունից». Արման Վարդանյան

» 04



ԶՊՄԿ-ն մասնակցել է «ԲանՈՒԳործ. ԵՊՀ էքսպո-2024»-ին՝ նվիրված ԵՊՀ հիմնադրման 105-ամյակին:

» 08



Աշխարհի առաջատար ընկերությունների օրինակին հետևելով. 2023-ից մեկնարկած համատեղ դոնորական արյունատվական ծրագիրը շարունակվում է

» 11

ԸՆԴԵՐՔԻՑ ԲԱՐՁՈՒՆՔՆԵՐ

ԼՈՒՅՍ Է ՏԵՍՆՈՒՄ 2015 ԹՎԱԿԱՆԻՑ
Հասցե՝ ՀՀ Սյունիքի մարզ, ք. Քաջարան, Լեռնագործների 18
press@zcmc.am



№44 • 2024թ.

Հանքարդյունաբերությունը հումալի ձեռքերում է...

Ճնորհավոր՝ երեխաների պաշտպանության
միջազգային օրը, թո՛ղ Նրանք անհոգ
ու խաղաղ մանկություն ունենան ու ապագայում
շարունակեն իրենց ծնողների շնորհակալ գործը:



1 Երեխաների
պաշտպանության
միջազգային օր

Կառուցելով կամուրջներ

Երեխաների պաշտպանության
միջազգային օրվա կապակե-
ցությամբ, ՁՊՄԿ տարբեր
արտադրամասեր էին այցելել



աշխատակիցների երեխաները,
ընկերության Նախակրթարանի սաները:
Խանդավառված հետաքրքրու-
թյամբ երեխաներն ուսումնասիրում
էին անծանոթ միջավայրը, մեծերի


աշխարհը՝ փոքրերի աչքերով:
Վաղվա քիմիկոսը, ինժեներն ու մեխա-
նիկը, խոհարարն ու վարորդը, լեռնա-
գործը ծանոթացան իրենց վաղվա
աշխատավայրի պայմաններին:



2024 թ. 1-ին եռամսյակի արդյունքներով, ԶՊՄԿ-ն մոտ 140 մլն դրամով ավելացրել է հարկային մուտքերը՝ Նախորդ տարվա նույն ժամանակահատվածի համեմատ

2 024թ. 1-ին եռամսյակի տվյալով, ԶՊՄԿ-ն մոտ 140 միլիոն դրամով ավելացրել է հարկային մուտքերը՝ Նախորդ տարվա նույն ժամանակահատվածի համեմատ: 2024 թ. հունվար-մարտ ժամանակահատվածում Ընկերությունը վճարել է 15 մլրդ 626 մլն 783 հազար դրամ հարկ: Այս ցուցանիշով ԶՊՄԿ-ն 1000 խոշոր հարկատուների ցուցակում զբաղեցնում է երրորդ հորիզոնականը: Հիշեցնենք, որ վերջին երեք տարիներին՝ տարեկան ամփոփ ցուցանիշով, ԶՊՄԿ-ն զբաղեցրել է երկրի առաջին հարկատուի դիրքը: Ի դեպ, կարող ենք արդեն այսօր վստահաբար կանխատեսել, որ հաջորդ եռամսյակում մեր վճարած հարկերը մի քանի անգամ կգերազանցեն առաջին եռամսյակի հարկերը: Բանն այն է, որ առաջին եռամսյակում չեն

**1-ին եռամսյակ
ԶՊՄԿ վճարած հարկերը
2015-2024թթ.**



արտացոլվում տարեկան հաշվետվությունները, որոնք, ըստ հարկային օրենսգրքի, ներկայացվում են ապրիլին, և տարեկան վճարների մեծ մասը՝ ռոյալթիի և շահութահարկի մասով, արվում է այդ ամսին: Այսպես՝ միայն ապրիլին ԶՊՄԿ-ն վճարել է մոտ 30

միլիարդ դրամի հարկ: Բայց սա արդեն կարտացոլվի հաջորդ եռամսյակում: Մինչ այդ՝ կից աղյուսակում ներկայացված է ԶՊՄԿ-ի վերջին 10 տարվա միայն 1-ին եռամսյակներում վճարած հարկերի դինամիկան:



«Հանքավայրերը հայտնաբերում են երկրաբանները, ուստի կարելի է ասել, որ հանքաբանությունը սկսվում է երկրաբանությունից»․ ԱՐՄԱՆ ՎԱՐԴԱՆՅԱՆ

ԶՊՄԿ տեխնիկական տնօրեն Արման Վարդանյանի հետ զրուցել ենք տեխնիկական տնօրենի գործառնությունների, երկրաբանի մասնագիտության և երկրաբանության մասին:

Երկրաբանների տոնը հաստատվել է 1966 թ. և որոշվել է Նշել ապրիլի առաջին կիրակին այն պատճառով, որ դրանից հետո սկսվում է դաշտային աշխատանքների նախապատրաստական փուլը: Սակայն Քաջարանի հանքավայրի տարածքում հետախուզական աշխատանքներն իրականացվում են կլոր տարի: Հայրս երկրաբան է, և ես՝ դեռ մանկուց տեսել եմ երկրաբանի աշխատանքը: Սակայն երկրաբանությունը որպես մասնագիտություն ընտրել եմ պատահականորեն, ինչի համար,

սակայն, հետագայում չեմ զղջացել: Երկրաբանի համար ամենահետաքրքիր ու սիրելի պահը դաշտային աշխատանքներն են: Ամենասիրելի սեզոնը՝ երբ ստիպված եմ լինում գրասենյակներում անցկացնել: Սպասված պահը, երբ հայտնաբերվում են օգտակար հանածոների կուտակումներ, երևակումներ կամ, որ ավելի լավ է՝ հանքավայրեր: Մասնագիտության բերումով, երկրաբաններն իրենց կյանքի մեծ մասն անցկացնում են բնության մեջ: Նրանք, առանց բացառության, բնասեր մարդիկ են և այն թյուր կարծիքը, որ հանքավայրեր են հայտնաբերում, ուրեմն՝ բնությունը քանդում են՝ ոչ թե սիրում, հերքում է յուրաքանչյուր երկրաբան:

Քաջարանի հանքավայրի ընդերքում առկա մետաղները հայտնաբերված են, վերջին անգամ պաշարները հաստատվել են 2023 թվականի հուլիսին:

Քաջարանի հանքավայրի պաշարների ընդհանուր քանակը 2 մլրդ տոննայից ավելի է, հիմնական մետաղները պղինձը և մոլիբդենն են, կան մոտ 6 մլն տոննա պղնձի և 850,000 տոննա մոլիբդենի պաշարներ:

Պղնձի պաշարների առումով, մերը այնքան էլ մեծ հանքավայր չէ, հաստատված է աշխարհի պղնձի պաշարների 0.5-0.6 %-ը, իսկ մոլիբդենի առումով, աշխարհի հաստատված պաշարների մոտ 5 %-ը:

Զանգեզուրի պղնձամոլիբդենային ունեցել է երկրագիտական նմուշների թանգարան, բոլոր ցուցանմուշները մի քանի տարի առաջ փաթեթավորել ենք, փաստագրել և



հիմա դրանք պահեստավորված են: Դրանք հետաքրքիր ու ինֆորմատիվ են և առաջիկայում պլանավորում ենք կազմակերպել Նոր ցուցադրություն: Թանգարանում ներառված էր հանքավայրի ամբողջ երկրաբանական պատմությունը: Այնտեղ, բացի ցուցանմուշներից, տարբեր քարտեզներ, սխեմաներ ևս կային:

ՀՀ-ում ԳԱԱ կառուցվածքում կա երկրաբանական թանգարան, նպատակ ունենք համագործակցել՝ մեր թանգարանը վերագործարկելու ժամանակ:

Նաև կարևոր ծրագրերից է՝ ամռանը մարզի դպրոցականների, ավագ դասարանների աշակերտների համար երկրաբանական ճամբարների կազմակերպումը: Մասնակիցները կծանոթանան երկրաբանի մասնագիտությանը, որոշները՝ կընտրեն այն: Բացի այդ, այս տարի ԵՊՀ երկրաբանական ֆակուլտետի ուսանողների ուսումնական պրակտիկան նախատեսում ենք կազմակերպել Սյունիքի մարզում: Հիմնական նպատակը՝ ավելի մեծ թվով ուսանողներ բերելն է Սյունիք, հաշվի առնելով՝ այստեղ





Եթե վերածենք տարիների, ապա դեռ 90 տարիներ կշահագործվի հանքավայրը, հնարավոր է՝ լրահետախուզման աշխատանքների արդյունքում թվերը ճշգրտվեն:



«Տեխնիկական տնօրենը ղեկավարում և առաջնորդում է արտադրական պրոցեսի տեխնիկական ծառայությունները. երկրաբանական, պլանավորման և վերահսկման, ջրային ռեսուրսների կառավարում ու հիդրոտեխնիկական կառույցների ծառայությունները և լաբորատորիաներ:

Երկրաբանների ներգրավմամբ երկու ծառայություն կա. հանքային երկրաբանների բաժինն է, ովքեր զբաղվում են ապրանքային հանքաքարի որակի վերահսկմամբ, այսինքն՝ նրանք են վերահսկում նախապես պլանավորած հանքաքարի որակն ու մատակարարումը հարստացուցիչ ֆաբրիկա: Հիմնականում իրենց գործունեությունը կապված է արտադրության հետ:

Ունենք նաև երկրաբանահետախուզական ծառայություն, որը զբաղվում է հետախուզման, լրահետախուզման աշխատանքներով: Արդյունքն ազդում է արտադրության վրա՝ մեծ հեռանկարով, մի քանի տարվա կտրվածքով: Իսկ հանքային երկրաբանները անմիջապես ամենօրյա աշխատանքով են կապված արտադրության հետ», – մանրամասնում է Ա. Վարդանյանը:

Հանրապետությունում երկրաբանի տոնը պատշաճ նշվում է, ինչը գովելի է, գնալով ավելի կարևորվում է մասնագիտությունը, հուսանք տարեցտարի տեսանելի կլինի նաև դիմորդների աճը:

Հաշվի առնելով՝ մետաղների պահանջարկի աճը և արդեն հաստատված պաշարների նվազման միտումը, կարող ենք միանշանակ ասել, որ երկրաբանի մասնագիտության պահանջարկը գնալով աճելու է, և ավելի մեծ մարտահրավերներ են լինելու՝ նոր հանքավայրերի հայտնաբերման առումով:

Լիլիթ Իսրայելյան

առկա հանքարդյունաբերական ձեռնարկությունները:

Միջազգային ստանդարտները ինքնապատասխան չեն, դրանք ստեղծվել են միջազգային լավագույն փորձերի արդյունքում, որոնց հետևելը ճիշտ է և ռացիոնալ: Մենք պահպանում ենք ՀՀ-ում գործող ստանդարտները և զուգահեռաբար քայլեր ենք անում միջազգային ստանդարտներին համապատասխանելու համար:

Օրինակ, հանքավայրի պաշարների գնահատումը կատարված է ՀՀ-ում գործող պահանջներին համապատասխան, բայց հաշվարկել և հաստատել ենք նաև միջազգային 41103 ստանդարտով:


Պոչամբարների վերաբերյալ գործող պահանջներ կան ՀՀ-ում, կիրառվում են 2022 թվականի վերջից, բայց այժմ իրականացնում ենք վերանախագծման աշխատանքներ, որպեսզի պոչամբարները համապատասխանեցնենք միջազգային ստանդարտներին:

Շուտով կստանանք ISO կառավարման սերտիֆիկատ՝ լաբորատորիայի համար, որը որպես պահանջ դրված չէ արդյունահանող ընկերությունների առջև, բայց, այնուամենայնիվ, մենք գնում ենք դրան, հասել ենք վերջնական փուլի:

Մետաղների հաշվարկման, բալանսների կազմման ուղղությամբ և սկսել ենք աշխատանքներ՝ միջազգային ստանդարտներին համապատասխանեցնելու համար:

Շահագործումը սկսելուց մինչ օրս

ԱՐՏԱՀԱՆՎԵԼ Է
450,000,000
ՏՈՆՆԱ ՀԱՆՔԱՔԱՐ



Քաջարանի հանքավայրից արդյունահանվել է մոտավորապես 450 մլն տոննա հանքաքար, 2 մլրդ տոննայից ավելի հանքաքար դեռ կա, այսինքն՝ ընդհանուր առմամբ, 2.5 մլրդ տոննա հանքաքարի պաշարներ են եղել:

Եթե վերածենք տարիների, ապա ևս 90 տարի կշահագործվի հանքավայրը, հնարավոր է՝ լրահետախուզման աշխատանքների արդյունքում, թվերը ճշգրտվեն:

Քաջարանի հանքավայրի շուրջը՝ որոշ հեռավորության վրա, արդեն կան հայտնաբերված հանքավայրեր, մասնավորապես՝ ոսկի և ոսկի-բազմամետաղային:



ՎՈՂՈՂՅԱ ԽԱՋԱՏՐՅԱՆ

90 տոննա բեռնատարողությամբ ԲԵՆԱՆԻՅԻ ինքնաթափի օպերատոր

Մեկ ամիս է, ինչ աշխատում է տեխնոլոգիական ավտո-հավաքակայանում՝ ոլորտի նորեկներից է, բայց նորեկ չէ կոմբինատում:

– **Հսկաներ են,** – պատմում է ինքնաթափերի մասին, – **սակայն դժվար չէ շահագործել, կամ՝ որ ամենակարևորն է՝ ցանկություն ու կամք է պետք:** Իմ պարագայում կտրուկ փոփոխություն եղավ՝ էներգետիկական ոլորտից՝ ավտոինքնաթափի վարորդ:

Կոլեկտիվը համերաշխ է, ընտելանալու խնդիր էլ չեմ ունեցել: Գործընկերներս հիմնականում հմուտ վարորդներ են, ովքեր պատրաստակամ են իրենց փորձն ու վարպետությունը փոխանցել: Իսկ դա էլ նպաստում է, որ առավելագույն ներդրումով կատարես աշխատանքը՝ զգոնություն դրսևորելով:



ԱՐՄԵՆ ԱՐՃԱԿՅԱՆ

Caterpillar մակնիշի 130 տոննա բեռնատարողությամբ ավտո-ինքնաթափի օպերատոր

Արմեն Արճակյանը 22 տարի առաջ Գորիսից Քաջարան է եկել աշխատանք գտնելու նպատակով:

Այս տարիների ընթացքում 40 տոննա ինքնաթափից մինչև 130 տոննա բեռնատարողությամբ ինքնաթափեր է վարել. 40, 55, 90 ապա՝ 130 տոննա: Հիշում է տեխնիկայի էվոլյուցիան և այն ոգևորությունը, որ պատում էր իրեն և գործընկերներին՝ նոր ինքնաթափերի ղեկին նստելու ժա-

մանակ:

– Դե, ժամանակակից հանքային տեխնիկան առավել հարմար է շահագործել, հեշտ է կառավարվում, դրան զուգահեռ սակայն աշխատանքի նկատմամբ պատասխանատվությունը չի նվազում: Անընդհատ զգոնությունն ու անվտանգության կանոնների պահպանումը պարտադիր պայման է:

– Կոլեկտիվում փորձառու վարպետներ շատ կան, ովքեր անկախ եղանակային պայմաններից անթերի են վարում, այնքան են հմտացել, որ իսկա ինքնաթափերն իրենց հասկանում են կես շարժումից: Վերջիններս էլ՝ շփման իրենց լեզուն ունեն:

Փորձառու վարպետը երկար տարիներ ղեկին է, ասում է՝ կարևոր գործ է անում թե իր, թե երկրի համար: Իսկ հաստատուն վաստակն ու վաղվա օրվա հանդեպ վստահությունը ստիպում են նվիրվել, օրինակ ծառայել նորեկներին, փորձառության խորհուրդներ տալ:

Լիլիթ Խարայեյան





Վարժանքներ՝ հետևանքները բացառելու նպատակով

Փրկարարների հետ համագործակցելով, վարժանքների ընթացքում, կոմբինատի աշխատանքային խմբերը վերացրին պոչատարի վթարը՝ կանխելով շրջակա միջավայրի վրա հնարավոր վնասները: Այս սցենարով «ԶՊՄԿ» ՓԲԸ-ն Սյունիքի մարզային փրկարարական վարչության հետ մայիսի 16-ին իրականացրեց հերթական հատուկ տակտիկական ուսումնադրվածք: Առաջադրված խնդիրն ամբողջությամբ և լիարժեք կատարվեց սահմանված ժամկետում:



Liebherr R 9800

ԱԾԽԱՐՀԻ ԱՄԵՆԱՄԵԾ
ՀԱՆՔԱՅԻՆ ԷՔՍԿԱՎԱՏՈՐԸ



ԱՔԱՆԱՎՈՐԻՐ
QR ԿՈՂԸ՝
ԻՄԱՅԻՐ
ԱՎԵԼԻՆ:



- Երկարությունը՝ 23,9 մ
- Լայնությունը՝ 10,5 մ
- Բարձրությունը՝ 11,7 մ
- Աշխատանքային քաշը՝ 800 տ

- Շարժիչների քանակը՝ 2
- Ընդհանուր հզորությունը՝ 4000 ծիաուծ
- Բաքի ծավալը՝ 17500 լ
- Առավելագույն արագությունը՝ 2,6 կմ/ժ

- Շերտի տարողությունը՝ 45 մ³
- Բարձրացնող հզորությունը՝ 150 տ
- Թիակի աշխատանքային երկարությունը՝ 9 մ

ԶՊՄԿ-ն մասնակցել է «ԲանՈՒԳործ. ԵՊՐ Էքսպո-2024»-ին

Երևանի պետական համալսարանում կայացավ «ԲանՈՒԳործ. ԵՊՐ Էքսպո-2024»-ը՝ նվիրված ԵՊՐ հիմնադրման 105-ամյակին:

Միջոցառումը մեկ հարկի տակ հավաքել էր դիմորդների, ուսանողների, շրջանավարտների, համալսարանական ստորաբաժանումների և գործատուների: Էքսպոյի շրջանակներում դիմորդները հնարավորություն ունեցան ծանոթանալու մրցունակ կրթական ծրագրերին, ուսանողները՝ հանդիպելու իրենց ապագա գործատուներին, իսկ գործատուները՝ ներկայացնելու իրենց գործունեությունը և ընձեռած աշխատանքային հնարավորությունները:

Հայաստանյան ավելի քան 45 կազմակերպություն՝ բանկային, կապի, սպասարկման, արտադրական, կրիատարժույթների, արդյունաբե-

Հանգեզուրի պղնձամուլիբդենային կոմբինատը Էքսպոյին ներկայացել էր իր տաղավարով

րական, միջազգային զարգացման, պետական, մշակութային, գիտահետազոտական ոլորտներից, այցելուներին ներկայացրեցին առկա աշխատանքային հնարավորությունները: Մասնակիցների թվում էր նաև Հանգեզուրի պղնձամուլիբդենային կոմբինատը, որը Էքս-



**ՍՔԱՆԱՎՈՐԻՐ ՈՐ
ԿՈՐԸ՝ ԻՄԱՏԻՐ
ԱՎԵԼԻՆ:**



պոյին ներկայացել էր իր առանձին տաղավարով: ԶՊՄԿ-ի տաղավարում այցելուներին ներկայացվեց ընկերության պատմությունը, աշխատակիցների մասնագիտական ուղղությունների վերաբերյալ որոշակի տվյալներ, ինչպես նաև աշխարհի առաջատար հանքարդյունահանող երկրների մասին ոլորտային տեղեկատվություն: Բացի այդ՝ տաղավարի այցելուների համար անցկացվեց խաղարկություն, և, պատահականության սկզբունքով, ընտրված հաղթողները ստացան գրախանութի նվեր-քարտեր: «ԲանՈՒԳործ. ԵՊՀ էքսպո-2024»-ի շրջանակներում կայացավ նաև «Բանախոսություններ գործի մասին» խորագրով կոնֆերանսը, որի ընթացքում տարբեր ոլորտների անվանի և հաջողության հասած անհատներ ներկայացրեցին թեմատիկ զեկույցներ: Կոնֆերանսի խոսնակներից Զանգեզուրի պղնձամոլիբդենային կոմբինատի գլխավոր տնօրենի առաջին տեղակալ Վարդան Զհանյանն իր ելույթում նշեց՝ հանքարդյունաբերությունն ավանդաբար Հայաստանի



ուժեղ կողմերից մեկն է եղել, որ Հայաստանի հանքարդյունաբերական ձեռնարկություններից մի քանիսը ոչ թե տասնամյակների, այլ հարյուրամյակների պատմություն ունեն՝ շեշտելով, որ այս ոլորտը մինչ այսօր ապահովում է Հայաստանի արտահանման և բյուջեի մուտքերի առյուծի բաժինը: Վարդան Զհանյանը խոսեց ոլորտի շուրջ մի քանի մասին, մասնավորապես, որ հակառակ տարածված կարծիքի, հանքարդյունաբերության ոլորտում բանվորականը աշխատուժի միայն մի մասն է: «ԶՊՄԿ-ում աշխատուժի 50 տոկոսը բարձրագույն կրթություն ունի: Ոլորտը գիտահեն է և այստեղ

ներգրավված են բազմաթիվ մասնագիտություններ՝ ինժեներներ, երկրաբաններ, մետալուրգներ, քիմիկոսներ, ֆինանսիստներ, իրավաբաններ և այլն», – նշեց նա: ԶՊՄԿ գլխավոր տնօրենի առաջին տեղակալն այցելեց նաև ԵՊՀ Աշխարհագրության և երկրաբանության ֆակուլտետի տաղավար, խոսեց հանքարդյունաբերության ոլորտի մասնագիտությունների կարևորության մասին, ուսանողներին հրավիրեց այցելել Զանգեզուրի պղնձամոլիբդենային կոմբինատ, ծանոթանալ երկրի առաջին հարկատուի աշխատանքներին:

Հենրիխ Մարգարյան





Եռամսյա դասընթացների ավարտից և քննությունների հաջող հանձնումից հետո մասնագետներին շնորհվեցին համապատասխան հավաստագրեր:



Նոր մասնագիտություն, նոր հնարավորություններ

Զանգեզուրի պղնձամուլիբդենային կոմբինատն իր գործընկեր Craft excellence ուսումնական կենտրոնի հետ, տարածաշրջանից հավաքագրել, կազմակերպել է խառատների, էլեկտրիկների և զոդողների տեսական և գործնական դասընթացներ:



Ընկերության նպատակն էր՝ երիտասարդ մասնագետներ պատրաստել, ովքեր հիմնովին պատրաստ կլինեն ներդնել իրենց գիտելիքներն աշխատանքում: Մայիսի 22-ին, եռամսյա դասընթացների ավարտից և քննությունների հաջող հանձնումից հետո մասնագետներին շնորհվեցին համապատասխան հավաստագրեր: Որակավորում ունեցող 40-ից ավելի

աշխատակիցները կրպակներ աշխատաշուկայի պահանջարկը և իրենց հմտություններով կնպաստեն մարզի մասնագիտական հիմնարկների առաջխաղացմանը: Շնորհավորում ենք շահառուներին և մաղթում մասնագիտական ձեռքբերումներ, իսկ նրանց ապագա գործատուներին բիզնես հաջողություններ և կայուն զարգացում:

Աշխարհի առաջատար ընկերությունների օրինակին հետևելով



2023 թվականից Զանգեզուրի պղնձամոլիբդենայինը և «Յոլանի անվան արյունաբանական կենտրոն» ՓԲԸ Սյունիքի արյան կայանը համատեղ դոնորական արյունատվական ծրագիր են մեկնարկել՝ «Հանձնիր արյուն, փրկիր կյանքեր» խորագրով:



ՄՔԱՆԱՎՈՐԻՐ ՕՐ
ԿՈՂԸ՝ ԻՄԱՅԻՐ
ԱՎԵԼԻՆ:

Այսաձեռնությունը արյունաբանական կենտրոնին էր, իսկ ԶՊՄԿ-ն սիրով ընդունել է առաջարկը, և ընկերության բժշկական ծառայությունը հանձն է առել կազմակերպչական աշխատանքները: Գործընթացն իրականացվել է արդեն 4 էտապով և դեռ շարունակվելու է փուլային տարբերակով՝ մեկ փուլում ներառելով առնվազն 25 անձ:

Ընկերությունը ողջունեց ծրագիրն ինչպես աշխատակիցների շրջանակում հումանիզմի քարոզչության, այնպես էլ դիտարկելով այն որպես հնարավորություն՝ նման նախաձեռնու-

թյունների կազմակերպման և ակտիվ մասնակցության մշակույթ ստեղծելու առումով:

Աշխարհի առաջատար ընկերությունների օրինակին հետևելով և հաշվի առնելով ժամանակաշրջանի բարդ աշխարհաբաղադրական իրավիճակը՝ նման ակցիաները կարևոր են և անհրաժեշտ:

Ծրագրում ներգրկված են ընկերության բոլոր տնօրինությունների և դեպարտամենտների՝ պահանջվող չափորոշիչներին համապատասխանող աշխատակիցները:

Պետք է նշել, որ ի սկզբանե դրական էր աշխատակիցների արձագանքը: Ակտիվությունը հենց առաջին ակցիայից ընթանում էր պլանավորվածի համաձայն: Բնակավայրերում դոնորների կազմը համալրելու նպատակը՝ ՀՀ թիվ 1 հարկատուի ներգրավմամբ, իրատեսական էր արդեն իսկ:

2023 թ. սեպտեմբերին կազմակերպված ակցիայից հետո արյունաբանական կենտրոնի տնօրեն Արթուր Առաքելյանից շնորհակալական նամակ ուղղվեց ԶՊՄԿ՝ ակտիվ համագործակցության համար. հավաքագրված արյան բանկը ծառայել էր նպատակին:

Ընկերության բժշկական ծառայության համակարգող Տրդատ Գրիգորյանի խոսքով՝ ծրագիրը կորպորատիվ պատասխանատվության մաս է կազմում, և նման քայլերը տանում են դեպի Կորպորատիվ դոնորություն:

Նշենք նաև, որ ունենք ծրագրին կրկին մասնակցելու ցանկությամբ աշխատակիցներ, իսկ վերջերս կայացած չորրորդ ակցիան կազմակերպվել էր ազդակիր Արծվանիկ համայնքում, հիմնականում՝ արծվանիկցի աշխատակիցների ներգրավմամբ:





Քաջարանքում էր «Բոհեմ» թատրոնը

Դերասանական կազմն այցելեց Զանգեզուրի պղնձամուլիբդենային կոմբինատ, շրջեց բացահանքում: Դերասանները շատ էին լսել արդյունաբերական հսկայի մասին, վաղուց էին ուզում տեսնել դրա իրական ծավալները: Դերասաններից մեկը՝ Լեռնիկ Զարությունյանը կիսվեց տպավորություններով.

– Զանքում շրջելիս, ինձ թվաց՝ ինչ-որ ֆիլմի կամ նկարի մեջ եմ: Շրջեցինք, մի քանի գործողությունների ծանոթացանք, ինչը շատ հետաքրքիր էր: Կարծում եմ, այնտեղից շատ բան վերցրի և կտանեմ ինձ հետ:

Դերասանների համար ուշագրավ էր նաև մշակույթի պալատը՝ իր տեսքով ու կառուցվածքով: Նման շինություններ ամեն տեղ չես տեսնի:

– Հիացած եմ դահլիճով, ամեն ինչ մաքուր ու գեղեցիկ է: Թե՛ տեխնիկապես, թե՛ որակապես, նման թատրոններ շատ քիչ կան Երևանում: Ողջունելի է, որ մարզերում մշակույթը գնալով զարգանում է, – նշեց դերա-

սան Անդրանիկ Զարությունյանը: Մարզային շրջագայության շրջանակում դերասանները քաջարանցիների դատին հանձնեցին «Անփորձանք գիշեր» ներկայացումը:

Աննա Մելքումյան



Ապրիլի 22-ը նշվում է որպես երկիր միջուրակի օր: ԶՊՄԿ բնապահպանության բաժնի աշխատակիցներն այդ առիթով Կապան համայնքի Վանեք բնակավայրում էին:




Նրանք Աճանանի ու Օխտարի միջնակարգ դպրոցների աշակերտներին պատմեցին շրջակա միջավայրը պահպանելու կարևորության մասին, ապա ծանոթացրին ծառ տնկելու նորարարական մեթոդներին՝ մասնավորապես, հիդրոգել նյութին: Այն հիևգ մեթոդներին՝ մասնավորապես, հիդրոգել նյութին, տարի անընդմեջ խոնավություն է հավաքում շրջակայքից, անհրաժեշտության դեպքում փոխանցելով բույսին, նաև պարունակում է ծառին անհրաժեշտ հանքանյութեր: Օխտարի դպրոցի աշակերտուհի Աննա Ավանեսյանը տպավորված էր.

– Մենք հնարավորություն ունենք վայելելու

հրաշալի բնությունը: Ծառ կարևոր է կարողանալ այն պես անել, որ մեզանից հետո եկող սերունդներն էլ մեր տնկած ծառերի ստվերում նստեն: Այդ օրը տնկվել է 48 միավոր թուփ, ծառ ու ծաղիկ, 60 քառակուսի մետր տարածքում կատարվել է սիգամարգի սերմի տարածում: Աշխարհում Վանեք բերող ճանապարհի աջ ու ձախ կողմերում տնկվելու է 180 միավոր կանադական բարդի: Նորատուսկ ծառերի ու թփերի մասին հոգ են տանելու Վանեքի վարչական ղեկավարն ու աշխատակիցները: Նրանք այդ պատասխանատվությունը ստանձնում են սիրով և խոստանում՝ երեխաների տնկած ծառերը հնարավորինս լավ խնամել: Վարդի թփերը կգեղեցկացնեն Վանեքի վարչական շենքի բակը, իսկ բարդիները թույլ չեն տա, որ գոնե այս հատվածում հողը շարունակի սափել:

Տղամանուկի Բաղայան



ԱՊՐԻԼԻ 22-Ը
ԵՐԿԻՐ
ՄՈԼՈՐԱԿԻ ՕՐ

Հոգևոր երաժշտությունը հասկանալով՝ մենք է՛լ ավելի մոտ կարող ենք լինել Աստծուն...

Հոգևոր երգերը բազում ունկնդիրներ ունեն, սակայն քչերն են հասկանում երգի բուն իմաստը:

Հայ իրականության մեջ հոգևոր երաժշտությունը ձևավորվել է 4-5-րդ դարերում: Քրիստոնեության ընդունումից հետո հայ եկեղեցական երաժշտությունը լայն տարածում գտավ ժողովրդի շրջանում: Եկեղեցի այցելելով, պատարագների և արարողությունների ժամանակ մարդիկ ունկնդրում էին երաժշտություն, նույնիսկ երգում, սակայն հաճախ չհասկանալով երգի և բառերի իմաստը: Հայ եկեղեցու հոգևոր երաժշտությունը մեկնաբանելու և ժողովրդին առավել հասկանալի դարձնելու համար Քաջարան համայնքի հոգևոր հովիվ Տեր Ծիրակ քահանա խանոյանը և Քաջա-

րանի Մշակույթի պալատը համատեղ ծրագրով հանդես եկան: **«Հայ եկեղեցական մշակույթը շարունակում է մնալ չբացահայտված**

» **«Ողջունելի է, որ մարդիկ հետաքրքրվում են եկեղեցական երաժշտության պատմությամբ: Այս նախաձեռնությունը շարունակական է լինելու, քանի որ իր մեջ ուսուցողական տարրեր է կրում»:**



և չուսումնասիրված: Թվում է, թե դասական անունների և փոքր ինչ մեկնաբանված շարականների կողքին ավելացնելու ոչինչ չկա: Սակայն բավականին հարուստ և նշանակալի է մեր հոգևոր երգերի պատմությունը: Հենց այս նպատակով, այսօր առաջին անգամ հանդես ենք գալիս հոգևոր երգերի, կարելի է ասել՝ բացատրությամբ և մեկնաբանությամբ» – նշեց Տեր Ծիրակ քահանա խանոյանը: Հայկական քանոնի գեղեցիկ հնչյուններով՝ մասնակիցները վայելեցին եկեղեցական շարականներ, տաղեր և կոնդակներ: Քաջարանի հոգևոր հովիվը մանրամասնորեն ներկայացնում էր յուրաքանչյուր երաժշտության պատմությունը, բացատրում էությունը և պատասխանում մասնակիցներին հուզող հարցերին: **«Ողջունելի է, որ մարդիկ հետաքրքրվում են եկեղեցական երաժշտության պատմությամբ: Այս նախաձեռնությունը շարունակական է լինելու, քանի որ իր մեջ ուսուցողական տարրեր է կրում: Հոգևոր երաժշտությունը հասկանալով՝ մենք է՛լ ավելի մոտ կարող ենք լինել եկեղեցուն և Աստծուն»,** – նշեց քահանա խանոյանը:

Թամարա Ավանեսյան



Ընկերական խաղ՝ Զանգեզուր-Ագարակ


Զանգեզուրի պղնձամուլիբդենային կոմբինատի արհեստակցական կազմակերպության նախաձեռնությամբ կայացավ միջարտադրամասային վոլեյբոլի առաջնությունը: Զանգեզուրի կոմբինատից ներգրավված էր 7 արտադրամասի թիմ: Ընկերական խաղի ժամանակ հանդիպեցին Զանգեզուրի և Ագարակի պղնձամուլիբդենային կոմբինատների աշխատակիցները: Ագարակի պղնձամուլիբդենային կոմբինատի տնօրեն Ալեքսանդր Բեյսանը նույնպես մասնակցեց առաջնությանը: Ողջունելով նման միջոցառումների կազմակերպումը՝ նշում է. «Շնորհակալ եմ հրավերի համար: Վաղուց մեր թիմը նման մրցույթների չէր մասնակցել: Բոլորի տրամադրությունը լավ է, խաղը՝ հետաքրքիր: Սա շատ լավ առիթ է, կցանկանայի հաճախ հանդիպենք, բայց որ ամենակարևորն է՝ հանդիպումներն անցկացնենք առանց վնասվածքների»:

Թեժ պայքարում հաղթող ճանաչվեց ԶՊՄԿ մարզահամալիրի թիմը: Երկրորդ տեղում Ագարակի կոմբինատը, իսկ երրորդում՝ ԶՊՄԿ-ի հարստացուցիչ ֆաբրիկայի թիմը: Առաջատարներն արժանացան պատվոգրերի, գավաթների, մեդալների և դրամական պարգևների:

Աննա Մելքումյան



Թեժ պայքարում հաղթող ճանաչվեց ԶՊՄԿ մարզահամալիրի թիմը: Երկրորդ տեղում Ագարակի կոմբինատը, իսկ երրորդում՝ ԶՊՄԿ-ի հարստացուցիչ ֆաբրիկայի թիմը:



ԿՐԱԿՄԱՐԻՋՆԵՐԸ ԴԱՍԱԿԱՐԳՎՈՒՄ ԵՆ ԸՍՏ ՏԵՍԱԿԻ



Class A

Սովորական այրվող նյութերի հրդեհների համար, ինչպիսիք են փայտը, թուղթը, կտորը, աղբը և պլաստմասսան:



Class B

Դյուրավառ հեղուկներ, ինչպիսիք են քուլքը, բենզինը և յուղը՝ բռնկվող հրդեհների դեպքում:




Class C

Էլեկտրական սարքավորումների հրդեհների դեպքում, ինչպիսիք են շարժիչները, տրանսֆորմատորները և սարքերը:



Class D

Այրվող մետաղների, օրինակ՝ կալիումի, Նատրիումի, ալյումինի և մագնեզիումի հրդեհների դեպքում:



Class K

Կերակուր պատրաստելու յուղեր և այլ յուղեր, օրինակ՝ կենդանական և բուսական ճարպեր պարունակող հրդեհների համար:



Կրակմարիչների ամենատարածված տեսակներն են.

Ջրային կրակմարիչ. Ջրային կրակմարիչները մարում են կրակը՝ հեռացնելով կրակի եռանկյունու ջերմային տարրը: Դրանք օգտագործվում են միայն A դասի հրդեհների համար:


Չոր քիմիական կրակմարիչ. Չոր քիմիական կրակմարիչները մարում են կրակը՝ ընդհատելով հրդեհի եռանկյունու քիմիական ռեակցիան: Դրանք առավել արդյունավետ են A, B և C դասի հրդեհների դեպքում:

CO2 կրակմարիչ. Ածխածնի երկօքսիդի կրակմարիչները հեռացնում են կրակի

եռանկյունու թթվածնային տարրը: Դրանք չեն հեռացնում են ջերմությունը՝ սառը արտանետումով, և կարող են օգտագործվել B և C կարգի հրդեհների ժամանակ:

Եվ քանի որ բոլոր հրդեհները տարբեր կերպ են «սնվում», կան կրակմարիչներ՝ կախված կրակի տեսակից: Որոշ կրակմարիչներ կարող են օգտագործվել մեկից ավելի դասի կրակի դեպքում, իսկ մյուսները զգուշացնում են հատուկ դասի կրակմարիչների օգտագործման դեմ:

ԵԹԵ ՊԱՏՐԱՍՏՎՈՒՄ ԵՔ ԿՐԱԿՄԱՐԻՋ ՕԳՏԱԳՈՐԾԵԼ



Քաշեք պտուկը, ուղղեք վարդակը կամ գուլպանը կրակի հիմքում, սեղմեք գործառնական մակարդակը, որպեսզի մարման միջոցը լիցքաթափվի, և ծայրը կամ գուլպանը ավելք մի կողմից մինչև կրակը մարվի: